

# kontuola...

**KONTUOLA, Idolaz elkarte, ANTZUOLA. Kazetaria:** Marijo Deogracias eta Ainhoa Ugarteburu **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

*Antzuolako hamabostekaria, 68. zenbakia. 2000ko azaroaren 24an.*

## Gaztetzokoa, gaztetzoen aukera

Laugarren urtez, txokolatada batekin zabaldu zituen ateak Gaztetzokoak

**Herriko 10 eta 14 urte bitarteko neska-mutikoeak, zapatu eta domeketan badaukate nora joan eta arratsaldea pasatzeko aukera. Gaztetzokoan, ia denetik egin dezakete: futbolinean jokatu, mahai jokoetan, marraztu, irteera antolatuetara joan... Aurten berandua go ireki dute, baina denboraldiaren amaiera ez da ekainera arte iritsiko, Kalebarrengo jaiak baino astebete lehenago.**

**G**aztetzokoa Guraso Elkartearen ekimena izan zen, gaztetzokoko lokal baten beharra ikusten baitzuten. Jardun euskara elkarteak antzerako ekimena egiten zuen Bergaran, eta Guraso Elkarteak, udalaren laguntzaz, Jardunekin egin zuen hitzarmena. Duela gutxira arte Jardun zen Gaztetzokoko dinamizatzailea, baina begiraleak Antzuolakoak ziren; gaur egun, dinamizatzaile ardura herriko begirale taldeak du. Bestalde, Gurasko Elkarteak laga egin ditu Gaztetzokoaren ardurak eta orain udala da antolatzailea.

### EKINTZAK

Gaztetzokoan, barruko zein kanpoko ekintzak egiten dira. Barrukoan



*Zapatu eta domeka arratsaldeetan dago zabalik Gaztetzokoa.*

artean, lehen aipatutako ekintzak daude, eta kanpoko ekintzetan, irteerak dituzte; bata urtarrilean egingo dutena eta bestea ekainean. Horrez gain, hondartzara eta mendira irtengo dira eta izotz pistara ere joango dira. Gaztetzokoa herriari gehiago inplikatzeko nahi du, herriari antolatzen diren ekintzetan parte

Hala ere, jende nahikotxo ibiltzen dela adierazi digute begiraleek.

Gazteekin orokorrean ez da arazo gehiegi egoten, "orokorrean ondo moldatzen gara, pixka bat zaindu behar dira, baina ez dute lan handirik ematen. Lokala gainera oso ondo dago, handia eta zabal da. Maristen eraikinean lanean hasiko dira abendu alde

ra eta behintzat ordura arte lokal horretan egongo gara".

Ordutegia honakoa da: zapatu eta domeketan arratsaldeko 16:00etatik iluntzeko 20:00etara. ■

■ ■ ■  
Gurasoen inplikazio zabalagoa nahi dugu,  
Gaztetzokoko ekintzetan parte hartzea  
■ ■ ■



# Jon Ezkurra eta Joseba Salaberria motorzaleak Enduro txapelketan

Urretxun jaioa izan arren, ama antzularra dauka Joseba Salaberriak, Aitzagabasaldekoa. Jon Ezkurra, berriz, antzularra da, Ertzillakoa. Biek motorrak dituzte gustuko eta aurten Euskal Herriko Enduro txapelketa jokatu dute. "Junior trofeo" txapelketa berria da Joseba. Jon, berriz, hirugarren gelditu da, txapelketa osoan zehar bigarren johan eta gero. Iaz bi proba jokatu zituzten eta aurten, lehenengo aldiz, txapelketa osoa. Guztira bost proba izan dira: Amurrión, Elgoibarren, Zallan, Gernikan eta Barakaldon.

**M**artxoan hasi zuten txapelketa eta azaroaren 12an amaitu zuten Barakaldon. 70 bat jokalaria aritu dira eta juniorretan 30 bat lagunekin ibili dira. Enduro txapelketa zer den kontatu digute biek. "Mendiko motorrekin aritzen gara. Motorrak matrikulatuta daude eta argiak dituzte; aseguratuta daude. 90-100 km-ko lasterketak egiten ditugu 30 km-ko hiru zatitan banatuta. Horietako bakoitzeko beste zirkuitu batera sartu behar gara denbora kronometratzeko. Izan ere, 30 km-ko ibilbideetan motorrentzako berifikazio puntuak egoten dira eta guztietatik pasatu beharra daukagu, bestela zigortu egiten gaituzte. Ibilbide horiek denbora zehatz baten barruan egin behar izaten dira eta gero, sailkapenerako denbora neurtzeko, bes-



Jonek eta Josebak aurten jokatu dute lehen aldiz Enduro txapelketa.

te zirkuitu horretara sartu behar gara".

Lasterketa hauek abenturazaleentzat dira. "Asko inprobisatu behar dugu. Ibilbidea ez dugu alde aurretik ezagutzen. Edozer gauza aurkitu zenezake bidean: enborrak gurutzaturik, sekulako airdapak, errekatxoak, errepidea... Erresistentzia eskatzen du eta oso erregularra izan behar duzu; sasoiko egotea eskatzen du. Horrez gain, mekanikaz ere jakin behar da, lasterketan ezer gertatuz gero norberak konpondu behar izaten du-eta".

4-5 orduko lasterketak izan dituzte denboraldian, baina Gernikakoa luzeagoa izan zen. "Espainiako txapelketako proba izan zen hura, baina Euskal Herriko txapelketarako puntuagarria zen. Nahiko denbora ona egin genuen, baina oso gogorra izan zen: sei orduko lasterketa, Europako txapelkunekin batera. Euria egin zuen eta lokatza mordo bat zegoen. Gu nahiko ohituta gaude egoera horretan aritzera, baina oso gogorra


egin zitzaigun". Hala ere, Josebak laugarren eta Jonek seigarren bukatu zuten.

## MENDIA GUSTUKO

"Lasterketak gozatzeko izaten dira. Horrelakoak antolatzeko baimen asko behar izaten dira, baina dena kontrolpean egoten da. Imajinatu hogeita bat motor Gaztelugainera igotzen bat-batean. Oinezkoendako errespetua izan behar da eta horretan saiatzen gara. Ez da jendeak uste duena. Guk mendia atsegin dugu eta zaindu egiten dugu".

Elgoibarko Txusko motorzale elkar-teko kide dira bi motorzaleak. Umetatik motorrean ibili dira eta orain txapelketetan parte hartzen hasi dira. Babesle bari aritu dira eta gastu guztiak eurek ordaindu dituzte. "Ondo legoke babesleren bat bilatzea. Motorrak gastu asko ditu, konponketa asko behar dira-eta. Gainera izena ematea ere ordaindu egin behar da eta baita Federazioaren baimena ere". ■

## Igor eta Txomin



Margoak orokorrean

ANTZUOLA  
609 157 131

BERGARA  
609 150 164

## GOROSTI Taberna


☎ 943 76 62 96  
Zurrategi plaza ANTZUOLA



Jose Gomez  
Abad

Errekalde 6, 4-B. Antzuola  
943 76 60 19  
943 76 60 43

## AITZ-GARBI



taberna  
jatetxea

Pintxoak eta kazuelatxoak.  
Bazkariak eta afariak

Kalebarren 15. Tf. 943 78 70 51



# Txistu kontzertua egingo da domekan

**Abenduaren 3an**, domekan txistu kontzertua eskainiko du herriko txistulari taldeak zine aretoan. Eguaztenean, Santa Zezilia izan zela eta, eskainiko du kontzertua. Egun horretan kalejira ere egin zuten herriko txistulariek euren eguna ospatzeko.

Domekako emanaldian txistulariekin batera beste bi saio ere egongo dira. Batetik, Antzuolako abesbatzak abestuko du eta bestetik, Bergarako musika eskolako Metal Boskotea.

Kontzertua meza ostean, eguerdiko 12:30ean, izango da zine aretoan.



Meza ostean, kontzertua.

## IRITZIA

### ETA ORAIN ZER

Iñigo Ramirez de Okariz Telleria

**E**lkarri Antzuolan antolatutako mahainguruak izan zuen arrakasta ezin da ukatu, etorri zen jendetza ikaragarria izan zelako. Herriko sektore eta adinguztietako pertsonak izan ziren bertan parte hartzen, eta denoi bertara jotera bultzatu gintuen ideia bakarra itxaropenarena izan zen; hau da, tregoa bukatu zenetik nola berriro ilusioa eta bakea bueltatu herri honi.

Argi dago partidu politiko bakoitzak duela bere estrategia eta bakerako bere eskaintza. Badirudi ezkutuko elkarrizketa ere egon badagoela euren artean, baina eguneroko bizitzan gertatzen diren ekintza biolentoekin bat eginda, ez dugu uste konponbidea politikoen elkarrizketatik bakarrik etorriko denik.

Beraz, gu, mahaingurura joan eta joan ez ginenok, eskuak gurutzatuta gelditu behar gara? Badago gure aldetik beste zereginik? Agian bai, besterik ez bada baliabideak jarriz herri mailan elkartu eta hitz egiteko.

Eta hori nola egin? Edo, zergatik ez bere baitan adibidez Elkarri bezalako mugimendu batek hartu bide honen koordinaketa? Jendeak agian ilusioz hartuko luke, denok gaude bake egarria asetu nahian eta.

Herri mailan egin genezakeen bide honi ekiterakoan, ezin dugu urrats faltsurik eta itsurik eman. Helburuak ongi finkatzea eta metodologia ongi zehazteak dauka bide honetan ikaragarriko garrantzia; garrantzia duen bezala norberaren buruari ere gogor egiteak eztabaida honetan parte hartzeko. Hau ez da politikoen lana soilik, talde sozial, ekonomiko eta kultural guztiona ere bada. Etorkizuna jokoan dagoenean, ezin diogu "paso" egin une honetan bizi dugun garai honi.

### GAZTAINERRE EGUNA, DOMEKAN

Udazkenero moduan, gaztainerre eguna ospatuko da domekan.

Herriko plazan izango da arratsaldeko 18:30ean.

Bertan, jakina, herritar guztiek jaiari parte hartzeko aukera izango dute.

Gaztainak bakarrik ez dira hartuko, ordea. Sagardoa ere banatuko da, 100 pezetan edalontzia; eta sagardoa herrikoa izango da, Bidaurre baserrikoa, hain zuzen ere.

### ZILARREZKO ZENBAKIA

Gizartekintzak, Hirugarren adinekoendako Gipuzkoako Diputazioko zerbitzuak, doaneko telefono zerbitzua jarri du abian.

Deiei bereziki horretarako prestatutako "Nagusilane" boluntarioek erantzungo diete. Baina zer eskaintzen du telefono horrek? Helburua adineko pertsonen deiak jasotzea da. "Zenbait adinek bizi duten bakardade egoera arintzea, isolamendu egoerak haustea, ziurtasuna laguntza eta norabidea eskaintzea, eurekin zuzeneko harremana izatea, eskaintzen diren zerbitzuen berri ematea, jasotako eskariak Oinarriko Gizarte Zerbitzuetara eta Osakidetzarara bideratzea, eta ahal den neurrian euren eskaerei erantzuna ematea".

Telefonoa 900 71 37 71 da eta deia doainekoa da. Orduategia, berriz, honakoa: asteleheneetik ostiralera, goizeko 10etatik 1era eta arratsaldeko 6etatik 8etara.

### ZUZENKETA

Azaroaren 10eko Kontzertuaren argitaratutako erantzun bat zuzendu beharra daukagu.

"Zein ondorioetara iritsi zinen mahai inguruaren ondoren?" galderaren erantzunetan, Gurutz Madariagak EAko kideak adierazi zuena ez zen "EAtik garbi ikusten dugu ETA oztopo bat dela" baizik eta "ETA eta Espainiako gobernu zentrala direla oztopo".



IGELTSEROTZA

Jose Luis Zabalo

Birgaitzeak • Fatxadak  
Teilatuak • Sukalde eta bainu gelak

Kalegoi 9, 1a., ANTZUOLA. Tf. 943 76 60 89



Euskal  
sukaldaritza

Eguneko  
menua

Kalebarren 7, ANTZUOLA Tf. 943 78 71 12

**LEKU-BERRI  
MERENDEROA**

Janariak eta edariak

Tf. 943 76 60 94



Alaitz Jauregi eta Aitziber Goñi, zineko arduradunak

# “Zinian ekintza asko egitten dira: hitzaldixak, antzerkixak, billerak...”

Udazkenero legez hasi da aurten ere zine garaia herrian. Aurten ere Alaitz Jauregi eta Aitziber Goñi dira zine aretoaz arduratuko direnak. Tarte, jakina, eurek aukeratuko dituzte pelikulak.

## Noiztik zarete zuek biok zineko arduradun?

Bosten bat urte izango dira. Gu arduratzen gara pelikulak erostiaz, zinia domeketan zabaltziaz, takillia eta dirua kontrolatziaz eta gaiñera, beste ekintzetan be geu egoten gara arduradun: antzerkixetan edo hitzaldixetan, esaterako.

### Noiz amaituko da denboraldia?

Abendu aldera kultur etxia barrutik bota eta aldaketak egin bihar dittu; horregaittik, abendura arte egongo da printzipioz zabalik; Gabonak ingurura arte. Udaletxia beste aretoen bat topatzen dabil domekeroko zine emonaldixekin aurrera jarraitzeko.


### Zeintzundako daude bideratuta zine emanaldiak?

Gaztetxokokuendako pelikulak diranian, pelikulak ikustera jende gutxiago etortzen da, baiña egixa da 13-14 urteko jendia dala gehixen etortzen dana; erregularrenak eurak dirala. Horregaittik aurten, pentsau dogu, adin danendako moduko pelikulak ekartzia, txikixenendako be modukoak.

### Domekatik aparte, beste egunen batean, emanaldi berezirik egingo duzue?

Ikusten badogu aukeria badagoela pelikula berriren bat jartzeko, ipiñiko dogu, baiña ezto gu ahaztu bihar kasu hau apartekua izango dala.

### Zer moduz dago zine aretoa?



Aitziber eta Alaitz dira aurten ere zineko arduradunak.

Egixa esan, zine aretuan ekintza asko egitten dira, ez bakarrik pelikulak bota, baita beste gauza asko be: fabriketako billerak, auzokidien billerak, teatrua, oraintxe egin dan txontxongilluen erakustaldixa...

Erabilpena oso zabala da. Gaur egun berogailluak eztau bihar daben moduan funtzionatzen eta nahiko areto ho-

tza da, horregaittik espero dogu lanak egitten diranian zine aretua ekintzen maillakua izatia, hau da, berton egotia atsegiñagua izatia.

Azkenian, zinian egitten dira, herriko ekintza kultural eta sozial gehixenak eta ezto gu uste hori ahaztu bihar danik. Gaiñera jendiak hartu du horretarako ohituria. ■



“13-14 urteko jendia da gehixen etortzen dana. Erregularrenak eurak dira”



Zurrategi plaza 4, behea ANTZUOLA Tf. eta faxa 943 78 71 80

Sukalderako eta bainurako altzariak  
Altzari rustikoetan  
espezializatuak

LARREA

TABERNA

Kalebarren 17  
ANTZUOLA